

David Montalà i Palau, secretari generau deth Conselh Generau d'Aran,

**CERTIFIQUI:**

Que segontes Decret de Sindicatura num. 126/2020, de dia 25 de març, s'a prenut eth següent acòrd, era còpia literau deth quau ei çò que seguís:

“Francés X. Boya Alós, sindic deth Conselh Generau d'Aran, en tot hèr usatge des facultats que me conferís er article 29.4 dera Lei 1/2015, de 5 de hereuèr, deth Regim Especiau d'Aran,

Vist eth Reiau Decret 463/2020, de 14 de març, peth quau se declare er estat d'alarma entara gestion dera situacion de crisi sanitària ocasionada peth COVID-19.

(...)

Vist, atau madeish, qu'eth Conselh de Govèrn deth Conselh Generau d'Aran, en session ordinària de 16 de seteme de 2019, aprovèc era convocatòria des pròves entara obtencion des certificats de coneishements der aranés (occitan d'Aran) deth Departament de Cultura e Lengua deth Conselh Generau d'Aran [DOGC num. 7975, de 07.10.2019].

Vist que per Decret de Sindicatura num. 092/2020, de 12 de març, de mesures preventives, de proteccion e organizatives d'aplicacion ath personau ath servici deth Sector Public deth Conselh Generau d'Aran, damb motiu deth COVID-19, se suspeneren es còrsi d'aranés organizats peth Conselh Generau d'Aran, autan en Vielha coma en Barcelona e Lhèida.

Dat qu'er alongament dera situacion de limitacion dera libertat de circulacion decretada peth Reiau Decret 463/2020, de 14 de març, peth quau se declare er estat d'alarma entara gestion dera situacion de crisi sanitària ocasionada peth COVID-19, atau coma era rèsta de mesures adoptades, qu'afècten ara gestion des inscripcions e es procediments organizatius e de notificacion prealables as pròves des quate nivèus e, previsiblement, era madeisha realizacion des pròves escrites e oraus enes dates indicades.

Ara vista der article 6 dera Normativa Reguladora des Certificats qu'expedís eth Conselh Generau d'Aran sus es coneishements der aranés [DOGC num. 6661, de 10.07.2014 e BOP de Lleida num. 128, de 07.07.2014]

Cossent damb çò expausat,

**È RESOLVUT:**

(...)

**QUATAU.- Convocatòria des pròves d'aranés (occitan d'Aran)**

Modificar er acòrd de Conselh de Govèrn de 16 de seteme de 2019, de convocatòria des pròves entara obtencion des certificats de coneishements der aranés (occitan d'Aran) deth Departament de Cultura e Lengua deth Conselh Generau d'Aran, en tot:

- **CONVOCATÒRIES:**

- **Eliminar era prumèra convocatòria** (Val d'Aran e Barcelona), prevista en periòde comprés der 1 de mai enquiath 15 de mai de 2020
- Establir era dusau convocatòria coma **convocatòria unica** (Val d'Aran e Barcelona) en periòde comprés der 1 de mai enquiath 15 de mai de 2020 entath cors 2019/2020, damb inscripcion en periòde comprés deth deth 28 enquiath 12 de seteme de 2020 (ena sedença deth Conselh Generau d'Aran de 10.00 a 14.00 ores o ben per telefon: 973.641.801), damb er abonament des drets d'examen qu'ei de 52,00 € ena Val d'Aran e de 72,00 € en Barcelona.

- **CALENDARI DE PRÒVES:**

- *Convocatòria UNICA en Vielha (SETEME 2020) en Institut d'Aran e ena Escòla Garona de Vielha:*
  - **Nivèu A1:**
    - Pròva orau: deluns, 28 de seteme de 2020 tàs 18.00 ores (Institut d'Aran)
    - Pròva escrita: dimars 29 de seteme de 2020 tàs 18.00 ores (Institut d'Aran)
  - **Nivèu A2:**
    - Pròva orau: deluns, 28 de seteme de 2020 tàs 18.00 ores (Institut d'Aran)
    - Pròva escrita: dimars 29 de seteme de 2020 tàs 18.00 ores (Institut d'Aran)
  - **Nivèu B1:**
    - Pròva orau: deluns, 28 de seteme de 2020 tàs 18.00 ores (Escòla Garona de Vielha)
    - Pròva escrita: dimars, 29 de seteme de 2020 tàs 18.00 ores (Escòla Garona de Vielha)
  - **Nivèu B2:**
    - Pròva orau: deluns, 28 de seteme de 2020 tàs 18.00 ores (Institut d'Aran)
    - Pròva escrita: dimars, 29 de seteme de 2020 tàs 18.00 ores (Institut d'Aran)
- *Convocatòria UNICA en Barcelona (SETEME 2020) ena Direcció General de Política Lingüística dera Generalitat de Catalunya, portal Sta. Madrona, 6-8 de Barcelona (08001):*
  - **Nivèu A1:** dimars, 15 de seteme de 2020 tàs 18.00 ores

Se coma conseqüència deth volum d'inscripcions era capacitat des espacis e es dates abilitades non siguessen sufisentes, s'abilitaràn es dies, ores e espacis de besonh entà garantir eth dret de realizacion des pròves a totes es personas inscrites. En aguest cas, se publicarà damb era antelacion sufisenta es naues dates, ores e lòcs enes canaus oficials deth Conselh Generau d'Aran.

CINCAU.- Publicar er acòrd anterior en DOGC, en pannèu d'anoncis e ena sedença electronica dera Corporacion, damb indicacion des recòrsi que correspon interposar en contra.

*“En contra d’aguest acte administratiu, qu’agòte era via administrativa, se pòt interposar **recors contenciós administratiu**, en tèrme de dus (2) mesi a compdar de londeman dera publicacion d’aguest acòrd, cossent damb er art. 46 dera Lei 29/1998, de 13 de junhsèga, Reguladora dera Jurisdiccion Contenciosa Administrativa, o ben, potestativament, **recors de reposicion** dauant deth sindic d’Aran, en tèrme d’un (1) mes a compdar de londeman d’auer-se publicat, cossent damb çò que preven es art. 123.1 i 124.1 dera Lei 39/2015, d’1 d’octobre, de Procediment Administratiu Comun des Administracions Publiques.*

*Se s’òpte per interposar eth recors potestatiu de reposicion non se poderà interposar recors contenciós administratiu enquia qu’eth primèr sigue resolut exprèssament o se n’age produsit era desestimacion per silenci; tot açò, sens perjudici que se pogue interposar quinsevolh aute recors que s’estime mès convenient ath pròpri dret.”*

SIESAU.- Dada era situacion de suspension e interrupcion des tèrmes administratius e judiciais establida pera Disposicion Addicionau Dusau e Tresau deth Reiau Decret 463/2020, de 14 de març, peth quau se declare er estat d’alarma entara gestion dera situacion de crisi sanitària ocasionada peth COVID-19, es tèrmes previsti en aguesta resolucion començaràn a córrer a compdar deth dia següent deth lheuament der estat d’alarma o ben dera derogacion deth nomenat Reiau Decret.”

E, entà qu’atau cònste ar efècte oportun, signi aguest certificat d’orde e damb eth visteplatz deth Sindic.

Vielha, signat electronicament

Vist e platz  
Eth Sindic

Francés X. Boya Alós